

## ეროვნული ანგარიშების ძირითადი ანგარიშები (წლიური)

<b>1. საკონტაქტო ინფორმაცია</b>	
1.1. საკონტაქტო ორგანიზაცია	საქართველოს სტატისტიკის ეროვნული სამსახური (საქსტატი)
1.2. საკონტაქტო ორგანიზაციის ერთეული	ეროვნული ანგარიშების დეპარტამენტი
1.3. საკონტაქტო პირი	მაკა კალანდარიშვილი
1.4. საკონტაქტო პირის ფუნქცია	ეროვნული ანგარიშების დეპარტამენტის უფროსი
1.5. საკონტაქტო პირის საფოსტო მისამართი	ქ. თბილისი 0180, ცოტნე დადიანის 30
1.6. საკონტაქტო პირის ელექტრონული ფოსტის მისამართი	<a href="mailto:mkalandarishvili@geostat.ge">mkalandarishvili@geostat.ge</a>
1.7. საკონტაქტო პირის ტელეფონი	+995 32 236 72 10 (302)
1.8. საკონტაქტო პირის ფაქსი	-

<b>2. მეტამონაცემების განახლება</b>	
2.1. მეტამონაცემების ბოლო სერტიფიცირება	2023 წ. 21 ივლისი
2.2. მეტამონაცემების ბოლო გამოქვეყნება	2023 წ. 21 ივლისი
2.3. მეტამონაცემების ბოლო განახლება	2023 წ. 21 ივლისი

<b>3. სტატისტიკური მონაცემების წარმოდგენა</b>	
<b>3.1. მონაცემების აღწერა</b>	
<p>საქართველოს ეროვნული ანგარიშების მეთოდოლოგიურ საფუძველს წარმოადგენს გაერთიანებული ერების ორგანიზაციის, ევროსტატის, ეკონომიკური თანამშრომლობისა და განვითარების ორგანიზაციის, მსოფლიო ბანკისა და საერთაშორისო სავალუტო ფონდის მიერ რეკომენდებული ეროვნულ ანგარიშთა სისტემის 2008 წლის (2008 SNA) სტანდარტული მეთოდოლოგია.</p> <p>ეროვნულ ანგარიშთა სისტემის უმნიშვნელოვანეს ნაწილს წარმოადგენენ ძირითადი ანგარიშები.</p>	
<b>3.2. კლასიფიკაციის სისტემა</b>	
<ul style="list-style-type: none"> <li>• ეროვნული ანგარიშების სისტემა 2008 (2008 SNA);</li> <li>• ეკონომიკური საქმიანობის სახეების საქართველოს ეროვნული კლასიფიკატორი (სეკ 006-2016) (შემუშავებულია NACE Rev. 2 ბაზაზე);</li> <li>• დანიშნულების მიხედვით ინდივიდუალური მოხმარების კლასიფიკაცია (COICOP);</li> <li>• მთავრობის ფუნქციების კლასიფიკაცია (COFOG);</li> <li>• საქართველოს საბიუჯეტო კლასიფიკაცია;</li> <li>• საქართველოს საგადასახდელო ბალანსი.</li> </ul>	
<b>3.3. სექტორის მოცვა</b>	
მთელი ეკონომიკა ინსტიტუციური სექტორების მიხედვით.	
<b>3.4. სტატისტიკური ცნებები და განსაზღვრებები</b>	
<p>ეროვნული ანგარიშების შედგენის მთავარი არსია განზოგადებული მაჩვენებლების სრული სისტემის ფორმირება ეკონომიკის განვითარების სხვადასხვა სტადიაზე და ამ მაჩვენებლების ურთიერთკავშირის უზრუნველყოფა. მიწოდებისა და გამოყენების ყველა სტადიას (წარმოება, შემოსავლების პირველადი განაწილება, შემოსავლების მეორადი განაწილება, საბოლოო მოხმარება და დაგროვება და სხვა) შეესაბამება სპეციალური ანგარიში ან ანგარიშთა ჯგუფი.</p> <p>ამ ანგარიშებში ისახება საქონლისა და მომსახურების მოძრაობა და შემოსავლები ყველა სტადიაში: მათი წარმოებიდან გამოყენებამდე, აგრეთვე არაფინანსური და ფინანსური აქტივებისა და ვალდებულებების ცვლილება.</p> <p>ძირითადი ანგარიშები იყოფა მიმდინარე და დაგროვების ანგარიშებად. ყოველ ანგარიშს აქვს ორი მხარე (რესურსებისა და გამოყენების მხარე მიმდინარე ანგარიშებისათვის; ცვლილებები აქტივებში და ცვლილებები ვალდებულებებსა და წმინდა ღირებულებაში – დაგროვების ანგარიშებისათვის) და დამაბალანსებელი მუხლის სახით მიღებული მაკროეკონომიკური მაჩვენებელი. ანგარიშთა თანმიმდევრობაში ყოველი ანგარიშის საბალანსო მუხლი, წარმოადგენს საწყის მაჩვენებელს მომდევნო ანგარიშისათვის.</p>	

<p>საქართველოში ხორციელდება შემდეგი ეროვნული ანგარიშების შედგენა:</p> <p><b>საქონლისა და მომსახურების ანგარიშის</b> რესურსების ნაწილში აისახება საქონელისა და მომსახურების მთლიანი გამოშვება, საქონლისა და მომსახურების იმპორტი და წმინდა გადასახადები პროდუქციაზე (გადასახადები მიწის სუბსიდიები), ხოლო გამოყენების ნაწილში – შუალედური მოხმარება, საბოლოო მოხმარების ხარჯები, ძირითადი კაპიტალის ფორმირება, სასაქონლო-მატერიალური მარაგების ცვლილებები და ექსპორტი.</p> <p><b>წარმოების ანგარიში</b> ასახავს ეას-ით განსაზღვრულ საქონლისა და მომსახურების წარმოების პროცესთან დაკავშირებულ ოპერაციებს. წარმოების ანგარიშის რესურსების მხარე მოიცავს მონაცემებს საქონლისა და მომსახურების მთლიანი გამოშვების შესახებ, ხოლო გამოყენების მხარე – შუალედურ მოხმარებასა და დამატებული ღირებულების მოცულობას. ამ ანგარიშის დამაბალანსებელი მუხლია <b>დამატებული ღირებულება</b>.</p> <p><b>შემოსავლების ფორმირების ანგარიში</b> გვიჩვენებს პირველადი შემოსავლების სახეებს მათი წარმოშობის შემდეგი წყაროების მიხედვით: შრომის ანაზღაურება, შერეული შემოსავალი, მოგება, წმინდა გადასახადები (გადასახადებსა და სუბსიდიებს შორის სხვაობა) საქონელსა და მომსახურებაზე და იმპორტზე.</p> <p><b>პირველადი შემოსავლების განაწილების ანგარიში</b> რეზიდენტ ინსტიტუციონალურ ერთეულებსა და სექტორებს წარმოგვიდგენს როგორც პირველადი შემოსავლების მიმღებს და არა როგორც ამ შემოსავლების წარმოების პროცესის შედეგად შექმნილს. ეს ანგარიში ასახავს როგორც პირველად, ასევე საკუთრებიდან შემოსავლებს. ამ ანგარიშის დამაბალანსებელი მუხლია <b>ეროვნული შემოსავალი</b>.</p> <p><b>მთლიანი ეროვნული შემოსავალი</b> = მთლიანი შიდა პროდუქტი საბაზრო ფასებში + პირველადი შემოსავლების წმინდა მიღება დანარჩენი მსოფლიოდან.</p> <p><b>შემოსავლების მეორადი განაწილების ანგარიში</b> გვიჩვენებს, თუ როგორ გარდაიქმნება ეროვნული შემოსავალი განკარგვად შემოსავლად მიმდინარე ტრანსფერტების მეშვეობით; ამ ანგარიშის დამაბალანსებელი მუხლია <b>მთლიანი განკარგვადი შემოსავალი</b>.</p> <p><b>მთლიანი ეროვნული განკარგვადი შემოსავალი</b> = მთლიანი ეროვნული შემოსავალი + მიმდინარე ტრანსფერტების წმინდა მიღება დანარჩენი მსოფლიოდან.</p> <p><b>განკარგვადი შემოსავლების გამოყენების ანგარიში</b> გვიჩვენებს, თუ როგორ ნაწილდება განკარგვადი შემოსავალი საბოლოო მოხმარების ხარჯებსა და დანაზოგებს შორის; ამ ანგარიშის დამაბალანსებელი მუხლია <b>მთლიანი დანაზოგი</b>.</p> <p><b>მთლიანი დანაზოგი</b> = მთლიანი ეროვნული განკარგვადი შემოსავალი – ხარჯები საბოლოო მოხმარებაზე (შინამეურნეობების, შმაკო-ების და სახელმწიფო მართვის ორგანოების ხარჯები საბოლოო მოხმარებაზე).</p> <p><b>კაპიტალის ანგარიში</b> ასახავს არაფინანსური აქტივების შექმნასა და გაყიდვას და წმინდა ღირებულების ცვლილებას დანაზოგებისა და კაპიტალური ტრანსფერტების მეშვეობით. მისი დამაბალანსებელი მუხლია <b>წმინდა დაკრედიტება / წმინდა სესხება</b> – ინსტიტუციური ერთეულის ან სექტორის განკარგულებაში არსებული თანხა სხვა ერთეულის ან სექტორის დასაფინანსებლად ან სხვა ერთეულის ან სექტორისგან სასესხებელი თანხა. იგი წარმოადგენს გადამეტებას ან დეფიციტს ინვესტიციების ფინანსირების წყაროებსა და არაფინანსური აქტივების წმინდა შექმნის ხარჯებს შორის. მთლიანად ეკონომიკის მასშტაბით წმინდა დაკრედიტება ან წმინდა სესხება გვიჩვენებს რესურსების მოცულობას, რომელიც გადასცა ქვეყანამ დანარჩენ მსოფლიოს ან პირიქით.</p> <p><b>წმინდა დაკრედიტება (+), წმინდა სესხება(-)</b> =          მთლიანი დანაზოგი          + კაპიტალური ტრანსფერტების წმინდა მიღება დანარჩენი მსოფლიოდან          - მთლიანი კაპიტალის ფორმირება          - არაწარმოებული არაფინანსური აქტივების წმინდა შესყიდვა.</p>
<p><b>3.5. სტატისტიკური ერთეული</b></p> <ul style="list-style-type: none"> <li>• ფინანსური და არაფინანსური კორპორაციები;</li> <li>• სახელმწიფო მმართველობის ორგანოები;</li> <li>• შინამეურნეობები;</li> <li>• შინამეურნეობების მომსახურე არაკომერციული ორგანიზაციები (შმაკო).</li> </ul>
<p><b>3.6. სტატისტიკური პოპულაცია</b></p> <p>ქვეყნის ეკონომიკური ტერიტორია.</p>
<p><b>3.7. საანგარიშო არეალი</b></p> <p>საქართველო (ოკუპირებული ტერიტორიების გარდა).</p>
<p><b>3.8. დროის მოცვა</b></p> <ul style="list-style-type: none"> <li>• 1996 წლიდან;</li> </ul>

<ul style="list-style-type: none"> <li>• დროთი მწკრივები ეროვნული ანგარიშების სისტემა 1993 წლის (1993 SNA) მეთოდოლოგიით ხელმისაწვდომია 1996-2018 წლებისთვის;</li> <li>• დროთი მწკრივები ეროვნული ანგარიშების სისტემა 2008 წლის (2008 SNA) მეთოდოლოგიით ხელმისაწვდომია 2010 წლიდან.</li> </ul>
<b>3.9. საბაზო პერიოდი</b>
-

<b>4. ზომის ერთეული</b>
მილიონი ლარი.

<b>5. საანგარიშო პერიოდი</b>
წელი.

<b>6. ინსტიტუციური მანდატი</b>
<b>6.1. სამართლებრივი აქტები და სხვა შეთანხმებები</b>
<p>საქართველოს კანონი „ოფიციალური სტატისტიკის შესახებ“;  <a href="https://www.geostat.ge/media/20591/1.saqstatis_kanoni.pdf">https://www.geostat.ge/media/20591/1.saqstatis_kanoni.pdf</a>          სტატისტიკურ სამუშაოთა ყოველწლიური პროგრამა;  <a href="https://www.geostat.ge/ka/modules/categories/307/statistikur-samushaota-programa">https://www.geostat.ge/ka/modules/categories/307/statistikur-samushaota-programa</a>          საქართველოს სტატისტიკის ეროვნული სამსახურის დებულება.  <a href="https://www.geostat.ge/media/20600/10%2Csaqstatis-konsolidirebuli-debuleba.pdf">https://www.geostat.ge/media/20600/10%2Csaqstatis-konsolidirebuli-debuleba.pdf</a></p>
<b>6.2. მონაცემთა გაზიარება</b>
მემორანდუმები საქართველოს ფინანსთა სამინისტროს შემოსავლების სამსახურთან და ეროვნულ ბანკთან.

<b>7. კონფიდენციალურობა</b>
<b>7.1. კონფიდენციალურობა – პოლიტიკა</b>
<p>1. საქართველოს კანონი „ოფიციალური სტატისტიკის შესახებ“:</p> <ul style="list-style-type: none"> <li>• კანონის მე-4 მუხლის თანახმად, ოფიციალური სტატისტიკის მწარმოებლის მიერ სტატისტიკური მიზნებისათვის შეგროვებული, ფიზიკური და იურიდიული პირების შესახებ მონაცემები მკაცრად კონფიდენციალურია და მხოლოდ სტატისტიკური მიზნებისათვის გამოიყენება.</li> <li>• კანონის 28-ე მუხლის (სტატისტიკურ მონაცემთა კონფიდენციალურობის დაცვა) თანახმად, 1. ოფიციალური სტატისტიკის წარმოების მიზნით შეგროვებული მონაცემები კონფიდენციალურია, თუ ისინი იძლევა დაკვირვების ერთეულის იდენტიფიცირების საშუალებას ან თუ მათი მეშვეობით შესაძლებელია ამგვარი მონაცემების დადგენა. 2. დაუშვებელია კონფიდენციალური სტატისტიკური მონაცემების გაცემა და გავრცელება ან მათი არასტატისტიკური მიზნით გამოყენება, გარდა საქართველოს კანონმდებლობით განსაზღვრული გამონაკლისებისა. 3. ოფიციალური სტატისტიკის წარმოებისას სავალდებულოა საქართველოს კანონმდებლობით დადგენილი წესებით საიდენტიფიკაციო მონაცემების, მათ შორის, ასეთი მონაცემების შემცველი სტატისტიკური კვლევის ამსახველი კითხვარების განადგურება ან განცალკევებით შენახვა.</li> <li>• კანონის 29-ე მუხლის თანახმად, საქსტატის ორგანოებში დასაქმებულებს ეკრძალებათ სტატისტიკური კვლევის მიზნით შეგროვებული და დამუშავებული კონფიდენციალური სტატისტიკური მონაცემების გამოყენება და გავრცელება.  <a href="https://www.geostat.ge/media/20591/1.saqstatis_kanoni.pdf">https://www.geostat.ge/media/20591/1.saqstatis_kanoni.pdf</a></li> </ul> <p>2. „მონაცემების კონფიდენციალურობის პოლიტიკა საქსტატში“  <a href="https://www.geostat.ge/media/20607/17.konfidencialurobis-brzaneba.pdf">https://www.geostat.ge/media/20607/17.konfidencialurobis-brzaneba.pdf</a></p> <p>3. „საჯარო სარგებლობის მიკრომონაცემების გავრცელების პოლიტიკა საქსტატში“  <a href="https://www.geostat.ge/media/20609/19.microdata-brzaneba.pdf">https://www.geostat.ge/media/20609/19.microdata-brzaneba.pdf</a></p> <p>4. საქართველოს კანონი „პერსონალურ მონაცემთა დაცვის შესახებ“.  <a href="https://matsne.gov.ge/ka/document/view/1561437">https://matsne.gov.ge/ka/document/view/1561437</a></p>
<b>7.2. კონფიდენციალურობა – მონაცემებთან მოპყრობა</b>
<ul style="list-style-type: none"> <li>• კონფიდენციალურობის დაცვის სახელმძღვანელოები.</li> <li>• საქსტატში დასაქმებულის მიერ წერილობით აღიარებული ვალდებულებები სამსახურებრივი საქმიანობის შედეგად მიღებული/შეგროვებული მონაცემების კონფიდენციალურობის უზრუნველყოფის შესახებ.</li> </ul>

<b>8. გამოქვეყნების პოლიტიკა</b>
<b>8.1. გამოქვეყნების კალენდარი</b>
მონაცემთა გავრცელების თარიღები განსაზღვრულია სტატისტიკური სამუშაოების პროგრამის საფუძველზე შემუშავებული კალენდრით, რომელიც განთავსებულია საქსტატის ვებ-საიტზე და საჯაროდ ხელმისაწვდომია.
<b>8.2. გამოქვეყნების კალენდარზე ხელმისაწვდომობა</b>
<a href="https://www.geostat.ge/ka/calendar">https://www.geostat.ge/ka/calendar</a>
<b>8.3. მომხმარებლისთვის ხელმისაწვდომობა</b>
მონაცემები ხელმისაწვდომია ყველა კატეგორიის მომხმარებლისთვის ერთდროულად.

<b>9. გავრცელების სიხშირე</b>
წლიური.

<b>10. ხელმისაწვდომობა და მკაფიოობა</b>
<b>10.1. პრეს-რელიზები</b>
-
<b>10.2. პუბლიკაციები</b>
სტატისტიკური კრებული „საქართველოს ეროვნული ანგარიშები“ ქართულ და ინგლისურ ენებზე. ელექტრონული ვერსია: <a href="https://geostat.ge/ka/single-categories/113/sakartvelos-mtliani-shida-produkti">https://geostat.ge/ka/single-categories/113/sakartvelos-mtliani-shida-produkti</a>
<b>10.3. ონლაინ მონაცემთა ბაზა</b>
ძირითადი ანგარიშების მთავარი მაკროეკონომიკური მაჩვენებლების შესახებ დეტალური მონაცემები „MS. Excel“-ის ცხრილების სახით ხელმისაწვდომია საქსტატის ოფიციალურ ვებ-საიტზე სტატისტიკური ინფორმაციის ნაწილში „ეროვნული ანგარიშების“ განყოფილებაში „მთლიანი შიდა პროდუქტი“-ს და „მთლიანი ეროვნული შემოსავალი“-ს ჩანართებში: <a href="https://www.geostat.ge/ka/modules/categories/23/mtliani-shida-produkti-mshp">https://www.geostat.ge/ka/modules/categories/23/mtliani-shida-produkti-mshp</a> <a href="https://www.geostat.ge/ka/modules/categories/24/mtliani-erovnuli-shemosavali-mesh">https://www.geostat.ge/ka/modules/categories/24/mtliani-erovnuli-shemosavali-mesh</a> კაპიტალის ანგარიში ძირითადი კაპიტალის სახეების მიხედვით (2010 წლიდან წლიური მაჩვენებლები): <a href="https://geostat.ge/media/44434/kapitalis_angarishi.xlsx">https://geostat.ge/media/44434/kapitalis_angarishi.xlsx</a> მონაცემები „PC-Axis“-ის ბაზის სახით ხელმისაწვდომია საქსტატის ოფიციალურ ვებ-საიტზე მონაცემთა ბაზები „PC-Axis“ ნაწილში „ეროვნული ანგარიშები“-ს განყოფილებაში: <a href="http://pc-axis.geostat.ge/PXWeb/pxweb/ka/Database">http://pc-axis.geostat.ge/PXWeb/pxweb/ka/Database</a>
<b>10.4. მიკრომონაცემების ხელმისაწვდომობა</b>
არ არის ხელმისაწვდომი.
<b>10.5. სხვა</b>
ეროვნული ანგარიშების პორტალი: <a href="http://sna.geostat.ge/ka/1/erovnuli-angarishebi">http://sna.geostat.ge/ka/1/erovnuli-angarishebi</a>
<b>10.6. დოკუმენტაცია მეთოდოლოგიაზე</b>
მეთოდოლოგიის დოკუმენტაცია განთავსებულია საქსტატის ვებ-საიტზე: <a href="https://geostat.ge/ka/modules/categories/119/methodologia-erovnuli-angarishebi">https://geostat.ge/ka/modules/categories/119/methodologia-erovnuli-angarishebi</a>
<b>10.7. დოკუმენტაცია ხარისხის შესახებ</b>
-

<b>11. ხარისხის მართვა</b>
<b>11.1. ხარისხის უზრუნველყოფა</b>
სტატისტიკური პროცესების და პროდუქტების ხარისხის უზრუნველსაყოფად საქსტატი ხელმძღვანელობს ოფიციალური სტატისტიკის შესახებ საქართველოს კანონის მე-4 მუხლით „ოფიციალური სტატისტიკის ძირითადი პრინციპები“, აგრეთვე ევროპის სტატისტიკის პრაქტიკის კოდექსით, გაეროს ოფიციალური სტატისტიკის ფუნდამენტური პრინციპებით და ევროპის სტატისტიკის სისტემის ხარისხის უზრუნველყოფის ჩარჩოთი (QAF).
<b>11.2. ხარისხის შეფასება</b>
საქსტატის მეთოდოლოგიის და ხარისხის მართვის სამმართველო დარგობრივ დეპარტამენტებთან ერთად

პასუხისმგებელია წარმოებული სტატისტიკური პროდუქტების და პროცესების ხარისხზე. სამმართველო ატარებს სტატისტიკური პროცესების ხარისხის აუდიტს და აფასებს სტატისტიკური პროდუქტებისა და პროცესების ხარისხთან დაკავშირებულ რისკებს. საქსტატში შემუშავებულია პოლიტიკის დოკუმენტები, სახელმძღვანელოები და სამუშაო პროცესების აღწერილობები. ეს დოკუმენტები უზრუნველყოფენ სტატისტიკური პროცესების და პროდუქტების სტანდარტიზებას და ხარისხის უზრუნველყოფის ერთიანი სისტემის ჩამოყალიბებას.

<b>12. შესაბამისობა</b>
<b>12.1. მომხმარებელთა მოთხოვნები</b>
მომხმარებელთა ძირითად ჯგუფებს წარმოადგენენ სახელისუფლებო ორგანოები, მეცნიერ-მკვლევარები, სასწავლო დაწესებულებები, საერთაშორისო ორგანიზაციები და ნებისმიერი მომხმარებელი, ვინც დაინტერესებულია საქართველოს ეკონომიკის განვითარების ტენდენციებით, ეკონომიკური პოლიტიკის შემუშავებითა და პროგნოზირების საკითხებით.
<b>12.2. მომხმარებელთა კმაყოფილება</b>
2021 წელს ჩატარდა მომხმარებელთა კმაყოფილების გამოკვლევა, რომლის მიზანი იყო მომხმარებლების მიერ სტატისტიკური მონაცემების ხარისხის შეფასების ანალიზი და მომხმარებელთა მომსახურების გაუმჯობესების გზების შესწავლა. გამოკვლევის ანგარიში განთავსებულია საქსტატის ვებ-საიტზე: <a href="https://www.geostat.ge/ka/page/customer-service">https://www.geostat.ge/ka/page/customer-service</a>
<b>12.3. სისრულე</b>
მთლიანი შიდა პროდუქტის გაანგარიშებისას მოცულია როგორც აღრიცხული, ისე აღურიცხავი ეკონომიკის გამოშვება და შეფასების მეთოდები შესაბამისობაშია საერთაშორისო მეთოდოლოგიით დადგენილ სტანდარტებთან.

<b>13. სიზუსტე და სანდოობა</b>
<b>13.1. ზოგადი სიზუსტე</b>
-
<b>13.2. შერჩევითი ცდომილება</b>
-
<b>13.3. არაშერჩევითი ცდომილება</b>
-

<b>14. დროულობა და პუნქტუალურობა</b>
<b>14.1. დროულობა</b>
<ul style="list-style-type: none"> <li>ძირითადი ანგარიშები ქვეყნდება საანგარიშო წლის დასრულებიდან მე-13 თვის ბოლოს სტატისტიკურ კრებულში „საქართველოს ეროვნული ანგარიშები“.</li> <li>კაპიტალის ანგარიში ძირითადი კაპიტალის სახეების მიხედვით (2010 წლიდან წლიური მაჩვენებლები) ქვეყნდება საანგარიშო წლის დასრულებიდან მე-12 თვეს (22 დეკემბერს).</li> </ul>
<b>14.2. პუნქტუალურობა</b>
მონაცემთა გამოქვეყნება ხდება სტატისტიკური სამუშაოების პროგრამაში მითითებული თარიღის შესაბამისად. გამოქვეყნების თარიღების დარღვევის ფაქტს ადგილი არ ჰქონია.

<b>15. თანამიმდევრულობა და შესადარისობა</b>
<b>15.1. შესადარისობა – გეოგრაფიული</b>
მონაცემები გროვდება და მუშავდება ერთი და იგივე მეთოდოლოგიითა და განმარტებებით როგორც ქვეყნის, ისე რეგიონულ დონეზე.
<b>15.2. შესადარისობა – დროში</b>
მონაცემები გროვდება და მუშავდება ერთი და იგივე მეთოდოლოგიითა და განმარტებებით მთელი განსახილველი პერიოდის განმავლობაში.
<b>15.3. თანამიმდევრულობა – სტატისტიკურ მიმართულებებს შორის</b>
ეროვნული ანგარიშების სხვადასხვა პერიოდულობის და დეტალიზების შემდეგი მაჩვენებლები სრულ შესაბამისობაშია ერთმანეთთან: წლიური ეროვნული ანგარიშები, კვარტალური ეროვნული ანგარიშები, რესურსებისა და გამოყენების ცხრილები. ეროვნული ანგარიშებისთვის გამოიყენება შემდეგი ძირითადი სტატისტიკური წყაროები: ბიზნეს

სტატისტიკა, მოკლევადიანი სტატისტიკა, დასაქმების სტატისტიკა. აღსანიშნავია, რომ წყაროებში გამოყენებული ცვლადების განმარტება ხშირად განსხვავდება ეროვნული ანგარიშების კონცეფციებისგან, რისთვისაც ხდება დამატებითი კორექტირება ეროვნული ანგარიშების მეთოდოლოგიასთან შესაბამისობაში მოსაყვანად.

**15.4. თანამიმდევრულობა – შიდა**

ეროვნული ანგარიშების სხვადასხვა პერიოდულობის და დეტალიზების შემდეგი მაჩვენებლები სრულ შესაბამისობაშია ერთმანეთთან: წლიური ეროვნული ანგარიშები, კვარტალური ეროვნული ანგარიშები, რესურსებისა და გამოყენების ცხრილები.

**16. დანახარჯები და დატვირთვა**

**17. მონაცემთა გადასინჯვა**

**17.1. მონაცემთა გადასინჯვა – პოლიტიკა**

სტატისტიკურ მონაცემთა გადასინჯვის პოლიტიკა ხელმისაწვდომია საქსტატის ვებ-საიტზე: [https://www.geostat.ge/media/44385/Revision-policy-and-error-correction\\_Geo.pdf](https://www.geostat.ge/media/44385/Revision-policy-and-error-correction_Geo.pdf)

**17.2. მონაცემთა გადასინჯვა – პრაქტიკა**

სტატისტიკური მაჩვენებლების დინამიკური მწკრივები დროთა განმავლობაში საჭიროებენ დაზუსტებას. ამის საჭიროება შეიძლება დადგეს ზოგადად მეთოდოლოგიის ცვლილების ან რაიმე კონკრეტული მონაცემთა წყაროს გაუმჯობესების შედეგად. ახალი გამოკვლევის ჩატარების შედეგად მიღებული შედეგები შესაძლოა მკვეთრად განსხვავდებოდეს წინა პერიოდის მაჩვენებლებისაგან. ამ შემთხვევაში პრიორიტეტი ენიჭება ახალ მონაცემებს, მაგრამ დინამიკური მწკრივის შესადარისობის უზრუნველყოფის მიზნით საჭიროა წინა პერიოდების შესწორებაც.

ამ ეტაპისთვის ძირითადი ანგარიშები ქვეყნდება საანგარიშო წლის დასრულებიდან მე-13 თვის ბოლოს სტატისტიკურ კრებულში „საქართველოს ეროვნული ანგარიშები“. ხოლო კაპიტალის ანგარიში ძირითადი კაპიტალის სახეების მიხედვით (2010 წლიდან წლიური მაჩვენებლები) ქვეყნდება საანგარიშო წლის დასრულებიდან მე-12 თვეს (22 დეკემბერს).

დინამიკური მწკრივები დაზუსტდა SNA 2008 მეთოდოლოგიაზე გადასვლის პარალელურად. SNA 2008 მეთოდოლოგიაზე გადასვლის პარალელურად განხორციელდა ეკონომიკური საქმიანობის სახეების კლასიფიკატორის NACE Rev. 2-ის დანერგვა ეროვნულ ანგარიშებში. ასევე, დაზუსტდება ცალკეული დარგების გამოშვების გაანგარიშების მეთოდოლოგიაც, რამაც გამოიწვია დროითი მწკრივის განახლების საჭიროება.

2019 წლის ნოემბერში გამოქვეყნდა მეთოდოლოგიის ცვლილებებით გამოწვეული განახლებული მონაცემთა მწკრივები.

**18. სტატისტიკური დამუშავება**

**18.1. პირველადი მონაცემები**

მონაცემთა წყაროს წარმოადგენს საქსტატის დეპარტამენტის მიერ განხორციელებული კვლევები და ადმინისტრაციული მონაცემები.

**საქსტატის შიდა წყაროებიდან მიღებული მონაცემები:**

- მონაცემები არაფინანსური კორპორაციების ეკონომიკური საქმიანობის შესახებ (საქსტატის ბიზნეს სტატისტიკის დეპარტამენტის საწარმოთა სტატისტიკური გამოკვლევა);
- მონაცემები შინამეურნეობების ეკონომიკური საქმიანობის შესახებ და მოსახლეობის ეკონომიკური აქტივობის ამსახველი მაჩვენებლები (საქსტატის სოციალური სტატისტიკის დეპარტამენტის შინამეურნეობების ინტეგრირებული გამოკვლევა და სტატისტიკური გამოკვლევა – მონაცემები შრომის შესახებ);
- სოფლის მეურნეობის სფეროში შექმნილი პროდუქცია (საქსტატის სოფლის მეურნეობისა და გარემოს დაცვის სტატისტიკის დეპარტამენტის სასოფლო მეურნეობათა შერჩევითი გამოკვლევა);
- მონაცემები შინამეურნეობების მომსახურე არაკომერციული ორგანიზაციების (შმაკო-ების) შესახებ (საქსტატის ბიზნეს სტატისტიკის დეპარტამენტის არაკომერციული ორგანიზაციების გამოკვლევა);
- საქონლის ექსპორტი და იმპორტი (საქსტატის საგარეო ვაჭრობისა და უცხოური ინვესტიციების სტატისტიკის დეპარტამენტის მონაცემები).

**მონაცემთა გარე წყაროები:**

- ნაერთი და სახელმწიფო ბიუჯეტის მაჩვენებლები (საქართველოს ფინანსთა სამინისტრო);

- ეროვნული და კომერციული ბანკების მაჩვენებლები (საქართველოს ეროვნული ბანკი);
- საქართველოს საგადასახდელო ბალანსი (საქართველოს ეროვნული ბანკი);
- სადაზღვევო კომპანიების მაჩვენებლები (საქართველოს დაზღვევის სახელმწიფო ზედამხედველობის სამსახური).

**18.2. მონაცემთა შეგროვების სიხშირე**

წლიური.

**18.3. მონაცემთა შეგროვება**

საქსტატის დეპარტამენტების მონაცემთა ბაზები და ადმინისტრაციული წყაროების მიერ მოწოდებული ცხრილები.

**18.4. მონაცემთა კონტროლი**

ცალკეულ შემთხვევებში მონაცემთა სისწორის გადამოწმება ხდება მონაცემთა წყაროსთან.

**18.5. მონაცემთა განგარიშება**

ინფორმაციის შიდა და გარე წყაროებიდან მიღებული მონაცემები მუშავდება ეროვნული ანგარიშებისათვის საჭირო ფორმატში.

**18.6. მოსწორება**

-

**19. კომენტარი**

-